



Broj: 02-24-4478-1/21  
Datum: 10.02.2022.godine

## Poziv na učešće u procesu javnih konsultacija –

### Nacrt strateške platforme Strategije razvoja Općine Ilidža za period 2022-2027.godine

Na osnovu Zakona o principima lokalne samouprave u Federaciji BiH (Službene novine Federacije BiH, broj 32/17), Zakona o razvojnom planiranju i upravljanju razvojem u Federaciji BiH (Službene novine Federacije BiH, broj 32/17), Uredbe o izradi strateških dokumenata u Federaciji BiH (Službene novine Federacije BiH, broj, 74/19), Statuta Općine Ilidža (Službene novine Kantona Sarajevo, 33/10-Prečišćeni tekst 18/16), Općinski načelnik je donio Odluku o pristupanju izradi Strategije razvoja Općine Ilidža za period 2022-2027 broj 02-24-4479/21 od 04.10.2021.godine.

Nakon donošenja Odluke, imenovan je Radni tim Rješenjem o uspostavljanju radnih tijela broj 02-24-4478/21 od 04.10.2021.godine, odabrani konsultanti kao ekspertska podrška u procesu izrade Strategije (saradnja sa UNDP-om), nakon čega su uslijedili sastanci Radnog tima i radnih grupa u cilju izrade strateškog dokumenta.

Prikupljeni su neophodni podaci, održani radni sastanci izvršnog Radnog tima na čelu sa Općinskim načelnikom te je izrađen Nacrt strateške platforme.

Nakon prihvatanja Nacrta strateške platforme od strane Radnog tima, stekli su se uslovi da se ovaj dokument dostavi u proces obaveznih javnih konsultacija.

Javne konsultacije su propisane Uredbom o izradi strateških dokumenata u FBiH i podrazumijevaju uvid javnosti i zainteresovanih strana počevši od 10.02.2022.godine, a u trajanju od 30 dana.

Cilj provođenja javnih konsultacija je postizanje saglasnosti oko ključnih elemenata strateške platforme. Nacrt strateška platforma se sastoji od situacione analize, SWOT matrice, strateških fokusa, vizije, strateških ciljeva i indikatora i dostupan je na web stranici Općine Ilidža ([www.opcinailidza.ba](http://www.opcinailidza.ba)).

Pozivamo sve zainteresirane da svoje komentare, sugestije i primjedbe dostave putem obrasca koji je dostupan uz ovaj poziv. Obrasci se dostavljaju putem protokola Općine Ilidža, Butmirska cesta 12, ili na mail: [strategija@opcinailidza.ba](mailto:strategija@opcinailidza.ba).

**OPĆINSKI NAČELNIK**

**Nermin Muzur, magistar uprave, s.r.**

